



KOMUNIKADO PA PRENSA

Fecha

15 di sèptèmber 2015

Accountmanager

Jhanirha Da Costa Gomez-Anita

Email

jhanirha.anita@gobiernu.cw

PROME FASE DI TRABOUNAN DI MANTENSHON DI KAMINDA HOSE LIBERIA NA ALTURA DI BEURS TA BAI SIGUI DJALUNA 21 SEPTÈMBÈR 2015

Willemstad – Minister di Tráfiko, Transporte i Planifikashon Urbano, sra. Suzy Camelia-Römer, huntu ku Servisio pa Obra Públiko (OW), ta informá komunidad ku djaluna 21 di sèptèmber awor ta bai sigui ku e trabounan di mantenshon di Kaminda Hose Liberia (Sta. Rosaweg) na altura di Beurs pa Jan Boos.

E trabounan ta konsistí di: 1) kita e kapa asfalt, 2) buta un fundeshi di ‘kalksteen’, 3) basha rant di betòn, i 4) traha alsera separá for di kaya. E trabounan lo dura mas o ménos 7 siman. Den kuadro di e trabounan aki, Servisio pa Obra Públiko ta traha huntu ku Departamentu di Tráfiko di Polis. Ta desviá e tráfiko di e siguiente manera:

Tráfiko ku ta bin di pariba:

Outomobilistanan di Kaminda Hose Liberia (Sta. Rosaweg), ku ta bin for di pariba ta desviá na altura di Beurs via kaminda Mitologia (West Groot St. Joris), Kaya Sparta, Kaya Orfeo i Kaya Zeus, pa subi bek riba Kaminda Hose Liberia na altura di Jan Boos.

Tráfiko ku ta bin di pabou:

Outomobilistanan riba Kaminda Hose Liberia (Sta. Rosaweg) ku ta bini for di pabou na altura di Jan Boos ta sigui kore den un direkshon te na altura di kaya Orfeo. Nan ta desviá den Kaya Sparta i kaminda Mitologia pa subi bek riba Kaminda Hose Liberia (Sta. Rosaweg) manera e bòrchinan ta indiká.

E negoshinan i habitantenan lo keda aksesibel via di Kaya Daedalus, Kaya Minotauro i tambe Kaminda Hose Liberia den un direkshon.

Minister Camelia-Römer huntu ku OW ta gradisí tur habitante i outomobilistanan di e kareteranan aki adelantá pa nan kompreshon i koperashon durante ehekushon di e trabounan aki.